

Hiber. IIII Tab. Orientalem Ultoniæ partem continens, & sequentia territoria.

Clandeboy, Tirone, Arde, Lecale, Evagh, Aribule, Newry, Mourne, Fufe, Vriel, & alia plura.

L A G E N I A.

Regio.
Nomina.

Soli fertilitas.

MEDIAM in nostri authoris partitione sequitur *Lagenia* quarta Hiberniæ pars, Incolis *Leighnig*, Britannis *Lein*, Anglis *Leynster*, Scriptoribus Latinis *Lagenia*, in antiquis Sanctorum vitis *Lagen*. Tota maritima ad ortum Hiberniæ jacet, a Momonia *Neoro* fluvio, quem multis tamen in locis transcendit: a Connacia aliquamdiu *Sineo*, a Media suis limitibus terminata. Ptolemæi ætate sedes erat *Brigantibus*, *Coriondis*, *Menapiis*, *Caucis* & *Blanis*, & ab his *Blanis* fortasse deducta & cōtracta illa recentiora nomina *Lein*, *Leinigh*, & *Leinster*. Fertilis & frugifera est terra, mitissimo Cælo, nec inclementibus Incolarum ingenitis. Distinguitur nunc in Comitatum *Wexford*, *Caterlogh*, *Kilkenny*, *Dublinensem*, *Kildariensem*, Comitatum *Regie*, Comitatum *Regina*, *Longford*, quibus *Fernes* & *Wicklo* nunc annumerantur. Hosce Comitatus jam ex ordine lustrabimus cum *Camdeno*, secundū populos quos hanc Hiberniæ partē habitasse scribit *Cosmographus*. *Brigantes* sederunt inter *Suiri* ostiū, confluentesque *Neori* & *Barrovvi*, qui *Birgus* Ptolemæo dicitur, sub urbe *Wexfordia*. Quædam exemplaria habent hos *Brigantes* dictos fuisse, quod si verum est, a *Birgo* flumine quod circumcolunt, nominatos fuisse ipsum nomen fere persuadeat. Inter *Neorum* & *Birgum* habitaverunt *Coriondis*, ubi nunc *Carloo*, sive *Caterlogh* Comitatus, & agri *Kilkenniensis* pars non minima, atque etiam ulterius ubi *Ostia Superior* & *Ormondia* quæ Hibernicis *Urrovun*, Anglis *Ormond*, & vulgo corruptissimè *Wormevood*. Sub ostio *Suiri* *Menapii* tenuerunt promontorium ad *Lybonotum*, ubi nunc Comitatus *Weshfordiæ*, Hibernicis *Conxty Reogh*. Hoc ipsum promontorium *Hieron*, i. *Sacrum* vocat Ptolemæus, & eadem significatione ab Incolis etiam vocatum fuisse non dubitarim. Hujus enim extremum opidum ad quod Angli primam exscensionem in hanc Insulam fecerunt, *Banna*, quod *sacrum* sonat, lingua patria vocarunt. Ab hoc sacro promontorio littus in Ortum obversum ad Septemtrionem longo tractu procurrit, cui vadola objacent in mari loca navigantibus insidiosa, quæ nautæ *The grounds* vocant. *Cauci*, qui item gens erat maritima Germaniæ proxime *Menapios* habitaverunt, non eo intervallo quo in Germania dissi. Horum fuit maritima illa regio, quam *O More*, & *O Brin* Hibernicæ familiæ incolunt, una cum Comitatu *Kildariensi*. *Kildariensis* Comitatus ager est letissimus, de cujus pascuis *Giraldus* illos *Virgilii* versus usurpat:

Et quantum longis carpunt armenta diebus,

Exigua tantum gelidus ros nocte reponit.

Ultra *Caucos* egerunt *Eblani*, ubi nunc ager *Dublinensis*, & *Meth*, altera è quinque Hiberniæ portionibus. Comitatus vero *Dublinensis* ad mare est gleba fertili, pascuis latis, silvis autem ita unda, ut cespere bituminoso